



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

11 MEI 2022 (RABU)



KEMENTERIAN PERDAGANGAN DALAM NEGERI
DAN HAL EHRAL PENGGUNA

KERATAN AKHBAR DAN MEDIA ONLINE (KPDNHEP)

11 MEI 2022 (RABU)

Pelanggan AirAsia berhak menuntut pampasan kelewatan

Kementerian hubungi syarikat penerbangan dapatkan maklum balas lanjut

Oleh Noor Atiqah Sulaiman
bhnews@bh.com.my

Putrajaya: Pelanggan syarikat penerbangan yang berdepan kelewatan berhak menuntut pampasan tertakluk kepada beberapa faktor bagi meneruskan perjalanan.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi, berkata berdasarkan maklumat diperoleh daripada Suruhanjaya Penerbangan Malaysia (MAVCOM), pampasan itu bergantung kepada punca penundaan atau pembatalan yang berlaku.

Susulan itu, beliau berkata, pihaknya sudah meminta AirAsia menyediakan carta aliran mengenai proses memfailkan aduan rasmi bagi mendapatkan pampasan berikutan isu kelewatan penerbangan oleh syarikat penerbangan tambang murah itu, baru-baru ini.

Katanya, walaupun isu industri penerbangan banyak tertakluk kepada bidang kuasa Kementerian Pengangkutan, beliau sendiri akan campur tangan sekiranya hak pengguna terkait sama.

"Selepas mengumpulkan keluhan, rungutan dan aduan oleh penumpang mengenai kelewatan isu penerbangan berkenaan, pihak saya sudah membuat penelitian awal dan terus menghubungi pengurusan AirAsia bagi mendapatkan maklum balas lanjut.

"Usaha merungkai masalah ini perlu dibuat secara teratur bagi memastikan penyelesaian menyeluruh berupaya dirancang dan dilaksanakan. Antara isu membabitkan kepentingan pengguna yang diketengahkan menerusi libat urus berkenaan adalah pe-

nannguhan jadual penerbangan dan semakan semula jadual penerbangan yang menjangkau lebih enam jam.

"Turut dibangkitkan ialah kelayakan pengguna mendapatkan pampasan jika mengalami kelewatan penerbangan sebegini. Jadi, saya meminta AirAsia menyediakan carta aliran proses memfailkan aduan rasmi bagi mendapatkan pampasan, namun pampasan tertakluk kepada garis panduan ditetapkan MAVCOM sebagai agensi kawal selia dalam isu ini," katanya dalam ciapan di Twitter, semalam.

Alexander berkata, tiada istilah 'sebang kari', 'cakap tak serupa bikin', 'siasat dan siasat' atau sekadar berpeluk tubuh dalam isu berkenaan kerana kepentingan pengguna adalah

amanah beliau sebagai menteri yang dilantik dalam Kementerian Perdagangan Dalam Negeri dan Hal Ehwal Pengguna (KPD-NHEP).

Beliau turut dimaklumkan, pihak AirAsia akan memberikan maklum balas lengkap terhadap isu diketengahkan pihaknya itu dalam tempoh 24 jam.

Terdahulu, penumpang AirAsia meluahkan rasa tidak puas hati di media sosial apabila pesawat sepatutnya dinaiki mereka lewat tiba dari masa ditetapkan.

Malah, ada penumpang terpaksa menunggu lama di lapangan terbang berikutan pihak AirAsia yang membuat penjadualan semula bukan hanya sekali, tetapi berulang kali untuk penerbangan sama.

Alexander dalam kenyataan malam kelmarin, berkata antara pampasan boleh dituntut merangkumi makanan, panggilan telefon dan akses internet bagi penangguhan selama dua jam atau lebih, penginapan hotel dan pengangkutan untuk penangguhan selama lima jam atau lebih.

Beliau berkata, jika pengguna perkhidmatan penerbangan berpendapat tidak mendapat pampasan sewajarnya, mereka boleh mengemukakan aduan rasmi kepada syarikat penerbangan sebelum menghubungi MAVCOM.

Antara isu babitkan kepentingan pengguna diketengahkan menerusi libat urus berkenaan adalah penangguhan jadual penerbangan dan semakan semula jadual penerbangan yang menjangkau lebih enam jam

Alexander Nanta Linggi,
Menteri Perdagangan Dalam Negeri
dan Hal Ehwal Pengguna



KPDNHEP adakan sesi libat urus dengan syarikat itu berhubung isu kelewatan

Maklum balas AirAsia dalam 24 jam

Oleh LUQMAN RIDHWAN
MOHD. NOR dan MOHD. HUSNI
MOHD. NOOR

PUTRAJAYA – Syarikat penerbangan tambang murah, AirAsia akan memberi maklum balas dalam tempoh 24 jam berhubung isu kelewatan penerbangan yang dilaporkan baru-baru ini.

Menteri Perdagangan Dalam Negeri dan Hal Ehwal Pengguna, Datuk Seri Alexander Nanta Linggi menerusi ciapan di Twitter berkata, pihaknya telah mengadakan sesi libat urus dengan syarikat penerbangan tersebut dan beberapa isu telah dibangkitkan.

Antaranya, menurut beliau, adalah penangguhan jadual penerbangan serta semakan semula jadual penerbangan sehingga menjangkau lebih enam jam.

Turut dibangkitkan kelayakan pengguna mendapatkan pampasan sekiranya mengalami kelewatan penerbangan sebegini.

"Bagi memudahkan pengguna, saya meminta AirAsia untuk menyediakan carta aliran mengenai proses memfailkan aduan rasmi bagi mendapatkan pampasan tertakluk kepada garis panduan ditetapkan Suruhanjaya Pener-



TRAFIK penumpang yang menggunakan perkhidmatan penerbangan lebih tinggi pada Aidilfitri baru-baru ini selepas orang ramai pulang berhari raya di kampung halaman. – FAIZ ALIF AHMAD ZUBIR

bangsan Malaysia (Mavcom) sebagai agensi kawal selia dalam isu ini," ciapnya semalam.

Dalam pada itu, Alexander berkata, meskipun perihal mengenai industri penerbangan

banyak tertakluk kepada bidang kuasa Kementerian Pengangkutan (MOT), beliau sebagai Men-

teri Perdagangan Dalam Negeri dan Hal Ehwal Pengguna akan campur tangan sekiranya hak pengguna terkait sama.

"Rentetan itu, saya mendesak supaya MOT dan Mavcom untuk lebih proaktif serta tampil untuk mencari penyelesaian terbaik berhubung isu ini," ciapnya.

Sementara itu, Menteri Pengangkutan, Datuk Seri Wee Ka Siong berkata, MOT dan agensi di bawahnya akan terus memantau setiap perkhidmatan penerbangan bagi memastikan prosedur penyelenggaraan dan isu teknikal dipatuhi tanpa kompromi.

Bellau berkata, pihak berkuasa juga telah menegur pihak yang terlibat untuk memastikan pematuhan peraturan teknikal, ekonomi dan keselamatan.

"Malah, kami tidak akan teragak-agak untuk mengambil tindakan terhadap pengendali yang gagal berbuat demikian.

"Dalam pada itu, adalah penting bagi syarikat penerbangan untuk menambah baik saluran komunikasi antara penumpang dan pelanggan bagi memastikan mereka menerima maklumat berhubung status penerbangan mereka," katanya.

Oleh Noor Atiqah
Sulaiman
am@hmetro.com.my

Putrajaya

Tiada istilah 'sembang kari' atau 'cakap tak serupa bikin' dalam isu berkaitan kelayakan pengguna mendapatkan pampasan sekiranya mengalami kelewatan penerbangan seperti isu membabitkan syarikat penerbangan tambang murah, AirAsia baru-baru ini, kata Menteri Perdagangan Dalam Negeri dan Hal Ehwal Pengguna Datuk Seri Alexander Nanta Linggi.

Menurut Alexander, Kementerian Perdagangan Dalam Negeri dan Hal Ehwal Pengguna (KPDNHEP) turut mendesak Kementerian Pengangkutan dan Suruhanjaya Penerbangan Malaysia (Mavcom) untuk lebih proaktif serta tampil mencari jalan penyelesaian berhubung isu kelewatan penerbangan oleh AirAsia.

Kata Alexander, walaupun isu industri penerbangan banyak tertakluk kepada bidang kuasa Kementerian Pengangkutan, namun beliau sebagai menteri akan campur tangan sekiranya hak pengguna terkait sama.

"Selepas mengumpulkan keluhan, rungutan dan aduan oleh penumpang mengenai kelewatan isu penerbangan berkenaan, pihak saya

Tiada istilah 'sembang kari'

KPDNHEP desak Kementerian Pengangkutan selesai isu kelewatan penerbangan oleh AirAsia



Saya meminta AirAsia untuk menyediakan carta aliran mengenai proses memfailkan aduan rasmi bagi mendapatkan pampasan"

Alexander

sudah membuat penelitian awal dan terus menghubungi pengurusan AirAsia bagi mendapatkan maklum balas lanjut.

"Usaha merungkai masalah ini perlu dibuat secara teratur bagi memastikan penyelesaian menyeluruh berupaya dirangka dan dilaksanakan," katanya dalam ciapan di Twitter semalam.

Menurut Alexander, antara isu yang membabitkan kepentingan pengguna yang diketengahkan menerusi libat urus berkenaan adalah penangguhan jadual penerba-

ngan serta semakan semula jadual penerbangan yang menjangkau lebih enam jam. Turut dibangkitkan, kata beliau kelayakan pengguna mendapatkan pampasan sekiranya mengalami kelewatan penerbangan sebegini.

"Bagi memudahkan pengguna, saya meminta AirAsia untuk menyediakan carta aliran mengenai proses memfailkan aduan rasmi bagi mendapatkan pampasan.

"Bagaimanapun pampasan berkenaan tertakluk kepada kepada garis panduan

ditetapkan MAVCOM sebagai agensi kawal selia dalam isu ini," katanya.

Alexander berkata, tiada juga istilah 'siasat dan siasat' atau sekadar berpeluk tubuh dalam isu berkenaan kerana kepentingan pengguna adalah amanah KPDNHEP.

Beliau turut dimaklumkan bahawa AirAsia akan memberikan maklum balas lengkap terhadap isu yang diketengahkan oleh pihaknya itu dalam tempoh 24 jam.

Terdahulu, ada dalam kalangan penumpang AirAsia meluahkan rasa tidak puas hati di media sosial apabila pesawat yang sepatutnya dinaiki mereka lewat tiba daripada masa yang ditetapkan.

Malah, ada dalam kalangan penumpang terpaksa menunggu lama di lapangan terbang berikutan AirAsia membuat penjadualan semula bukan hanya sekali, tetapi berulang kali untuk penerbangan sama.

Tiada 'sembang kari'

Alexander beri AirAsia tempoh 24 jam kemuka maklum balas isu penerbangan lewat

Oleh **TUAN BUQHAIRAH TUAN MUHAMAD ADNAN**

PUTRAJAYA

Syarikat penerbangan AirAsia dijangka memberi maklum balas kepada Kementerian Perdagangan Dalam Negeri dan Hal Ehwal Pengguna (KPDNHEP) berhubung rungutan pengguna mengenai isu kelewatan sehingga enam jam dan penjadualan semula penerbangan baru-baru ini.

Menterinya, Datuk Seri Alexander Nanta Linggi berkata, maklum balas itu akan dibuat AirAsia dalam tempoh 24 jam selepas pihak KPDNHEP menghubungi pengurusan syarikat itu bagi mendapatkan penjelasan.

"Meskipun perihal industri penerbangan banyak tertakluk kepada bidang kuasa Kementerian Pengangkutan (MOT) tetapi sebagai Menteri KPDNHEP, saya akan campur tangan jika hak pengguna terakut sama," katanya menerusi ciapart Twitter pada Selasa.

Menurutnya, bagi melindungi kepentingan pengguna, tindakan



KPDNHEP turut meminta AirAsia menyediakan carta aliran mengenai proses memfailkan aduan rasmi bagi membolehkan pengguna mendapatkan pampasan susulan kelewatan atau penundaan penerbangan.

drastik diambil pihak kementerian bagi menyelesaikan masalah tersebut.

"Tiada 'sembang kari', cakap tak serupa bikin, 'siasat dan siasat' atau sekadar berpeluk tubuh dalam isu ini. Kepentingan pengguna adalah amana saya sebagai Menteri KPDNHEP," katanya.

Alexander berkata, turut dibangkitkan kelayakan pengguna mendapatkan pampasan jika mengalami kelewatan penerbangan sebegini.

"Bagi memudahkan pengguna, saya meminta AirAsia menyediakan carta aliran proses memfailkan aduan rasmi bagi mendapatkan pampasan tertakluk



ALEXANDER

kepada garis panduan ditetapkan Suruhanjaya Penerbangan Malaysia (Mavcom)," katanya.

Dalam pada itu, AirAsia dalam kenyataan pada Selasa memohon maaf kepada tetamu yang telah mengalami kesulitan aki-

bat penjadualan semula beberapa penerbangan susulan peningkatan permintaan mendadak pada musim perayaan kali ini.

Ketua Pegawai Eksekutif AirAsia Malaysia, Riad Asmat berkata, beberapa faktor dan insiden yang tidak dapat dielakkan telah mengakibatkan kelewatan di luar jangkaan serta kawalan syarikat penerbangan itu.

FLIGHT DELAYS

Ministry tells airlines to quickly fix issues

PUTRAJAYA: The Transport Ministry (MoT) has instructed airlines to quickly resolve the technical issues that caused flight delays.

Minister Datuk Seri Dr Wee Ka Siong said his ministry had also informed airlines to keep their passengers updated with the latest information involving their respective flights.

"The ministry and agencies under it will continue to monitor each airline service to ensure that maintenance procedures and technical issues are adhered to with no compromise.

"Authorities have also reprimanded the affected airlines to ensure that they comply with technical, economic and safety regulations, and we will not hesitate to take action against operators who fail to do so.

"It is important for airlines to improve their communication

channels with passengers to ensure that they receive information on the status of their flights," he said yesterday.

Earlier, passengers of low-cost airline AirAsia expressed their dissatisfaction on social media when the airplane they were supposed to board arrived later than the scheduled time.

In fact, some passengers claimed that they had been rescheduling not only once, but repeatedly for the same flight.

Wee said the government sympathised with the passengers' plight and was working to resolve the issue with the airline.

"Most of the complaints made were related to higher-than-usual passenger traffic during the festive season, so that airlines had to make full use of their aircraft to meet demand.

"Aircraft facing technical problems have also been 'rested' from

service for a more thorough maintenance," he said.

He added that to date, all complaints relating to rescheduling and flight delays had been resolved.

Meanwhile, Bernama reported that AirAsia would provide an explanation on consumer issues, including those related to flight delays and rescheduling, to the Domestic Trade and Consumer Affairs Ministry within 24 hours.

Minister Datuk Seri Alexander Nanta Linggi said after compiling consumers' grievances and complaints on AirAsia flight delays, a preliminary study was conducted by the ministry.

He said the study looked into the problem of flight delays and rescheduling of flights, as well as consumers' eligibility for compensation.

"For the convenience of consumers, I've requested AirAsia to



AirAsia has undertaken to provide an explanation to the Domestic Trade and Consumer Affairs Ministry on consumer issues, including flight delays and rescheduling. FILE PIC

provide a flow chart on the process of filing a formal complaint for compensation, subject to the guidelines set by Mavcom (Malaysian Aviation Commission) as the regulatory agency on the issue," Nanta said in his latest tweet yesterday.

He said although the aviation industry was under the purview of the Transport Ministry, he, as the minister dealing with consumer issues, would intervene if

it was related to consumer rights.

"There is no *sembang kari* (empty talks), conducting investigation upon investigation or just doing nothing in this issue. The interest of consumers is my responsibility as the minister," he said.

Consumer grievances and complaints regarding AirAsia flight delays had been rising since the end of last month, and were still not fully resolved.

Lima jenama francais tempatan ke Arab Saudi

PUTRAJAYA – Kementerian Perdagangan Dalam Negeri dan Hal Ehwal Pengguna (KPDNHEP) membawa lima jenama francais Malaysia ke misi perdagangan francais di Jeddah, Arab Saudi pada 7 hingga 9 Mei lalu.

Lima jenama francais terkemuka negara itu ialah CheeseU, CIC Where Leaders Are Born, Genius Aulad, US Pizza and Siti Khadijah.

Delegasi perdagangan tersebut diketuai oleh Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid selain turut disertai wakil daripada Persatuan Fran-

cais Malaysia (MFA).

Rosol berkata, misi perdagangan itu merupakan sebahagian daripada Program Pembangunan Francais Dipertingkatkan yang diluluskan jawatankuasa Majlis Eksport Francais pada tahun lalu.

Menurutnya, ia bertujuan mendedahkan jenama francais negara kepada pasaran Asia Barat, terutamanya Arab Saudi menerusi padanan perniagaan dan rakan kongsi perniagaan.

"Secara keseluruhan, jenama francais tempatan telah berkembang pesat di pasaran antarabangsa dengan pembabit 68

jenama di 74 buah negara.

"Prestasi ini dijangka berterusan pada masa depan," katanya menerusi satu kenyataan semalam.

Rosol menambah, kementerianannya sedang bekerjasama rapat dengan Perbadanan Pembangunan Perdagangan Luar Malaysia (Matrade) dan MFA bagi mengekalkan momentum pertumbuhan tersebut.

Katanya, sepanjang tahun lalu, industri francais negara merekodkan nilai jualan RM13 bilion, iaitu peningkatan 16.4 peratus berbanding RM11.16 bilion pada 2018.



ROSOL (tengah) mengetuai delegasi negara pada perasmian *Flavors of Malaysia* di pasar raya besar Lulu di Jeddah, baru-baru ini.

Misi perdagangan ke Jeddah bantu promosi jenama PKS di Timur Tengah

PUTRAJAYA - Malaysia menjalankan misi perdagangan francais ke Jeddah, Arab Saudi, untuk membantu pengembangan jenama Malaysia ke Timur Tengah.

Delegasi diketuai Timbalan Menteri Perdagangan Dalam Negeri dan Hal Ehwal Pengguna, Datuk Rosol Wahid itu turut disertai pegawai dari kementerian, Persatuan Francais Malaysia (MFA) dan lima jenama terkemuka negara iaitu CheeseU, CIC Where Leaders Are Born, Genius Aulad, US Pizza dan Siti Khadijah.

Rosol berkata misi perdagangan tiga hari berakhir pada 9 Mei itu merupakan sebahagian Program Pembangunan Francais Dipertingkatkan yang diluluskan oleh jawatankuasa Majlis Eksport Francais (FRANEX) pada 2021.

"Misi perdagangan itu bertujuan menggalakkan dan mendorong pengembangan jenama Malaysia ke pasaran Timur Tengah, terutama di Arab Saudi serta menghubungkan dan menjalinkan perkongsian dengan pelabur asing yang betul dan berpotensi melalui program padanan perniagaan," katanya dalam kenyataan



Rosol (tengah) selepas melawat dan merasmikan 'Flavors of Malaysia' di pasar raya besar Lulu Marwah, di Jeddah, Arab Saudi sempena lawatan kerja rasmi dan misi perdagangan pengembangan francais tempatan ke negara Timur Tengah di Jeddah, Arab Saudi.

an pada Selasa.

Beliau berkata, jenama francais Malaysia telah berkembang sehingga menjadi terkemuka dengan lebih 68 jenama di 74 negara dan dijangka terus berkembang dalam era pasca-Covid-19.

Industri francais di Malaysia merekodkan jumlah jualan RM13 bilion pada 2021, meningkat 16.4 peratus daripada RM11.16 bilion yang dicatatkan pada 2018.

Di Jeddah, delegasi itu turut melawat Lulu Hypermarket Marwah untuk mengukuhkan kerjasama an-

tara Malaysia dan Lulu International Group dalam sektor peruncitan serta meluaskan jangkauan dan pembangunan produk negara di pasaran Timur Tengah melalui Lulu Hypermarket di Arab Saudi.

"Ini sudah pasti merupakan pendekatan sama menang, dengan kita mengalu-alukan pengendali runcit dan borong terkemuka asing untuk menjalankan perniagaan mereka di Malaysia dan pada masa yang sama membawa produk dan jenama Malaysia dalam operasi mereka di luar negara," katanya. - Bernama



GHAZALI (kanan) menjual ayam di Pasar Awam Melaka semalam.

Harga ayam mungkin naik, caj potong 80 sen

MELAKA – Harga ayam segar di Pasar Awam Melaka dijangka meningkat mencecah RM9.70 sekilogram susulan caj pemotongan ayam akan dinaikkan peniaga kepada 80 sen bermula esok.

Tinjauan Kosmo! di pasar awam itu bagaimanapun mendapati sehingga pukul 9 pagi tadi peniaga masih memaparkan caj pemotongan ayam pada kadar 60 sen bagi setiap kilogram.

Peniaga ayam, Ghazali Abu Bakar, 48, berkata, caj baharu itu dijangka diperkenalkan bermula esok (hari ini) selepas mendakwa rata-rata peniaga ayam di negeri ini telah kenakan kadar RM1 sekilogram bagi khidmat memotong ayam.

"Tempat lain banyak yang kenakan caj RM1 untuk potong ayam, jadi kami akan kenakan caj 80 sen bermula esok.

"Harga ayam masih sama, kita patuhi harga kawalan ditetapkan iaitu RM8.90 sekilogram dan terpulang kepada pelanggan sama ada mahu kami potong ayam atau tidak," katanya ketika ditemui di Pasar

Awam di Bachang di sini semalam.

Sementara itu, Hamzah Osman, 57, memberitahu, caj itu yang dikenakan dilihat setimpal untuk seimbangkan keuntungan para peniaga yang perlu mematuhi harga kawalan ditetapkan kerajaan.

"Kita memang harap harga ayam ini tidaklah naik sehingga mencecah RM10 atau pun lebih, namun ini salah satu cara untuk kita seimbangkan semula pendapatan peniaga.

"Para penternak dan kementerian juga perlu berbincang untuk mendapatkan harga ayam yang terbaik dan tidak menurunkan lagi memandangkan subsidi diberikan juga hanya sehingga 6 Jun ini," katanya.

Dalam pada itu, Pengarah Kementerian Perdagangan Dalam Negeri dan Hal Ehwal Pengguna (KPDNHEP) negeri, Norena Jaafar ketika dihubungi memberitahu, pihaknya tiada halangan kepada peniaga untuk menaikkan caj potong ayam.

"Terpulang kepada pengguna nak guna khidmat potong atau tidak," ujarnya.

Harga sayur di pasar awam naik

Kenaikan harga hampir mencecah 50 peratus terutama sawi bunga

Oleh NOR FARHANA YAACOB

MELAKA

Harga sayur-sayuran di Melaka naik mendadak selepas cuti perayaan Hari Raya Aidilfitri.

Peniaga, Kalsom Kassim, 60, berkata, terdapat beberapa faktor menyebabkan harga sayur meningkat termasuklah pemborong atau pembekal yang bercuti panjang selain faktor cuaca.

Menurutnya, kenaikan harga sayur hampir mencecah 50 peratus terutama sawi bunga yang dijual pada harga RM10 sekilogram berbanding sebelum ini RM6 selepas bekalan didakwa berkurangan sejak Jumaat lalu.



Roslan (kiri) tidak mahu mengambil risiko menjual sayur sawi bunga yang harganya meningkat mendadak di Pasar Awam Bachang, Melaka.

"Bekalan sayur lain seperti bayam dan kangkung juga berkurangan sedangkan permintaan tinggi," katanya ketika ditemui di Pasar Awam Bachang di sini pada Selasa.

Seorang lagi peniaga, Roslan Hassan, 55, juga mengakui mengalami situasi sama dan ti-

dak sanggup menjual sayur sawi bunga yang agak mahal.

"Harga sayur selepas raya naik mencecah RM4 sekilogram berbanding harga biasa.

"Pembekal maklumkan bekalan sayur daun berkurangan kerana cuaca hujan menyebabkan tanaman mereka tidak men-



KALSOM



GHAZALI



HAMZAH

jadi," jelasnya.

Bagi peniaga ayam, Ghazali Abu Bakar, 48, tidak menolak akan berlaku kenaikan caj potong ayam daripada 60 sen kepada 80 sen dalam masa terdekat ini.

Bagaimanapun katanya, peniaga ayam akan mengikut harga kawalan yang ditetapkan kerajaan iaitu RM8.90 sekilogram.

Peniaga ayam, Hamzah Osman, 57, pula berkata, mereka bersiap sedia sekiranya perlu menaikkan harga ayam memandangkan pengeluar berdepan dengan harga dedak yang semakin mahal.

"Apa pun penternak dan Kementerian berkaitan perlu berbincang bagi memastikan harga ayam sekarang terus kekal pada RM8.90 sekilogram," katanya.

Sementara itu, Pengarah Kementerian Perdagangan Dalam Negeri dan Hal Ehwal Pengguna (KPDNHEP) negeri, Norena Jaafar berkata, pihaknya tiada halangan jika peniaga mahu menaikkan caj potong ayam.

"Terpulang kepada pengguna sama ada mahu guna perkhidmatan yang ditawarkan itu atau sebaliknya," ujarnya.

Senarai Harga Barang Keperluan		Telur Gred A		Gula Pasir		Cili Merah	
Ayam	RM7.99	Telur Gred A	RM12.75	Gula Pasir	RM2.84	Cili Merah	RM13
Daging Lembu Tempatan	RM36	Ikan Kembung	RM4.90	Bawang Besar Holland	RM2.49	Kubis Bulat Tempatan	RM2.99
Daging Lembu Import	RM22	Minyak Masak	RM6.70	Bawang Putih	RM4.99	Tepung Gandum	RM2.60

*Harga (RM/kg) Sumber: KPDNHEP